



Universitätsbibliothek Paderborn

D. Ioannis Ivsti Lanspergii Carthvsiani, Natione Bavari, Opvscvla Spiritvalia

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam
Virginem Mariam, cæterosq[ue] Sanctos - exercitijs item diuersis, tum
maximè Paßionis Dominicæ, eiusq[ue] matris, refertißimus

Landsberg, Johannes Justus

Coloniae Agrippinae, 1630

Actio gratiarum pro Filij Dei venditione & pedum discipulorum ablutione,
sacramentiq[ue] Eucharistiæ in institutione. Cap. II.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

diuitiæ illæ; hæc merces, quibus viles illas sarcinulas, nos videlicet, comparasti: tantum nos faciens, ut amore nostri ceu ebrius te ipsum non modo in pœnas & opprobria, sed in mortem etiam vltro offerres.

Igitur pro his singulis & vniuersis, quæ ab ipsa susceptæ humanitatis hora, vsq; ad passionem tuam fecisti & sustinuisti, omnifarijs humanæ passibilitatis te exponens miserijs, innumeris afflictionibus & incommodis, adoro te Saluator noster amabilissime, benedico te & gratias ago tibi; & pro perfectissimæ vitæ tuæ sanctitate, quam nobis ceu clarissimum omnis perfectionis speculum, atq; (ut pius pater & magister) exemplum imitandum prætendisti. Nihil omnium omisisti benignissime Pater, quo posses ostendere, quanta nos dilectionis exuberantia attrahere gestires.

Pro morum virtutum, vitæq; Christi Iesu imitatione, Precatio I.

Per hæc singula vniuersaq; ardentissimi erga nos amoris tui mirabilia, obsecro te suavissime amator, ut vilissimum me peccatorem in gratiam tuam recipias, peccata mea, & quicquid tibi in me displicet, à me misericorditer tollas, faciasq; me dulcissimos vitæ tuæ mores pia semper & deuota consideratione inspicere, & omnes gestus, actusq; meos secundum normam vitæ tuæ semper formare atq; dirigere.

Fac me quoq; verè humilem & mitem corde, semper in oculis meis vilem, & ad quæcunq; aduersa paratum, ut ea alacriter de manu tua paterna suscipiam: atq; fidelem seruum me tibi efficias, regas, & solus secundum tuum beneplacitum perpetuo possideas, Amen.

Actio gratiarum pro Filij Dei venditione, & pedum discipulorum ablutione, sacramentiq; Eucharistia institutione.

CAPVT. II.

Benignissime Iesu, laudo & adoro te, & gratias ago tibi, qui inter varia laudis & honoris præconia, quibus te in aello sedentem ac Hierosolymam aduentem, plebs tibi cum ramis arborum & oliuarum frondibus occurrens, excepit: vrbs, imò magis animarum in ea excidium fleuisti, quicq; urbem ingressus, ilicò ad templum, vbi animas iugi prædicatione & ardenti zelo Patri adducebas, te contulisti: indeq; ementes atq; vendentes eiecisti. Porro per totam diem prædicantem, vespere cum nemo esset, qui te inuitaret, ut alienigena hospitioq; indignus, post tantos labores in Bethaniam ieiunus redijisti. A peruerso & infideli tunc discipulo tuo Iuda, vili precio, triginta scilicet argenteis, quoq; venditus fuisti, propter opus bonum quod in te amantissimo Magistro suo feruentissima amatrix & discipula tua Maria Magdalena operabatur, quæ vnguentum pretiosum super benedictum tuum caput effuderat.

Gratias etiam tibi ago Domine Iesu, pro admirabili illa tua humilitate, qua tu omnipotens & tremendæ maiestatis Dominus, agnum paschalem, agnus ipse paschalis iam iamq; pro nobis immolandus, cum pauperulis discipulis comedisti: ad quorum etiam pedes lauandos, & lintheo quo eras præcinctus extergendos, & super benedicto ore tuo affectuosissime perosculandos, humillime te inclinasti & procubuisti: & etiam Iudæ proditoris tui, cuius omnem tamen iniquissimi cordis clare perspexisti malitiam.

Deinde

Mat. 21.

Luc. 19.
Mat. 21.

Mat. 26.

Ioan. 12.

Mat. 26.

Luc. 22.
Ioan. 13.

Deinde gratias etiam ago tibi amantissime Iesu, pro stupenda & admirabili magnitudine dilectionis tuæ erga nos, qua sacrosanctum benedicti corporis & sanguinis tui Sacramentum instituisti, & id ipsum sub specie panis & vini sumendum discipulis tradidisti: hocq; à nobis in tuæ dilectionis, omniumq; beneficiorum, præsertim redemptionis nostræ memoriam præcipiens, fieri voluisti.

Mat. 26.
Luc. 22.
Ioan. 13.

Postremò, gratias etiam ago tibi Domine Iesu, quod discipulos ad dilectionem admonitos, sermonemq; dulcissimo consolatos, Patri, tam ipsos quàm electos omnes oratione ardentissima commendasti.

Ioan. 17.

Pro Christi humilitatis in discipulorum pedum ablutione, charitatisq; in Sacramenti Eucharistia institutione, imitatione, & digna ad ipsum sumendum preparatione, Precatio II.

Per hanc igitur charitatem tuam supereminentiſſimam obsecro te bone Iesu, ignosce omnibus iniquitatibus meis, & quicquid negligentiz, quicquid irreuerentiz, quicquid præsumptionis, quicquid delicti circa hoc tremèdum Eucharistia Sacramentum admisi, ea deleas charitate, qua te nobis donasti.

Accende etiam cor meum flagrantissimo huius Sacramenti amore & desiderio, ut quando & quotiescunq; tuæ maiestati placuerit, maximè autem circa vitæ mez extrema, ea humilitate, ea reuerentia, ea puritate & charitate, ea deuotione & intentione, quibus tu instituisti & sumi voluisti, merear ipsius sumptione contra omnes hostium insidias præmuniri, contra omnes aduersitates confortari, in gratia tua confirmari, tuo beneplacito conformari, amore tibi inseparabiliter vniri.

Sed & nunc pie Iesu, & deinceps omni tempore vitæ mez, ita me totum in te tui amore absorbeas & trāsmutes, ut pro nulla vnquam delectatione te patrem & Dominum meum vendam, sed in omnibus rebus creatis te vnum semper puro corde queram & diligam: & ad tui imitationem ut veraciter corde & etiam opere sine vlla simulatione aut amaritudine, tam in magnis, quàm in minimis, me semper promptissimum exhibeam omnium seruum, quid, cur, & à quo fiat, nihil discernens.

Insuper rōgo efficias & dones, ut exemplo tui promptior, aut certè ex animo tam promptus sim, me aliquo modo contristantibus, ad verè amicitia exhibenda signa & obsequia, quam alijs quibusuis.

Postremò, ut laues meos viscosos animi pedes, ab omni terrenæ contagionis inquinamento, cosq; duplici accendas charitate vehementer peto, Amen.

Actio gratiarum pro Christi angustia & sanguineo sudore in horto, pro traditione, captione & ductione ad Annam pontificem feritate.

CAPVT III.

Clementissime Iesu, pastor æterne, qui gregem tuum, vsq; in mortem diligens, Mat. 26. ut à morte illum eriperes, vltro in mortem te obtulisti. Siquidem cena facta, Mar. 14. & hymno dicto, ad hortum cum discipulis tuis exiisti: verum inter eundem que passurus eras tormenta præsentens: *Tristis est*, inquis, *anima mea vsque ad mortem*. Itaq; progressus paululum, & à discipulis segregatus, præ nimia cordis angustia in faciem procidisti, clamans ad Patrem: *Pater, si possibile est transfer à me calicem istum: verum amen non mea voluntas fiat, sed tua.*

Mat. 26.
Mar. 14.
Luc. 22.
Mat. 26.